



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

Komunikadu Imprensa

23 Agostu 2012

Semináriu Nasionál:

Autoridade Komunitariu hasoru Membru Parlamentu Terseiru Lejislatura

Iha loron 23 Agostu 2012, Programa Monitorizasaun Sistema Judisiáriu (JSMP) liu husi sub-unidade Projeitu Observasaun Parlamentu (POP), sei hala'ó Semináriu Nasionál ho tema **“Kna’ar Parlamentu Nasionál iha Asuntu Lejizlasaun, Fiskalizasaun no Foti Desizaun Polítika: Espetativa no Dezafiu”**.

“Semináriu ne’e importante tebes atu povu sira presiza hatene di’ak liu tan kona-ba kna’ar Parlamentu Nasionál nian liu-liu haree ba esperiénsia pasadu hodi explora perspetiva no alternativa hodi hametin relasaun no komunikaun entre deputadu sira no autoridade komunitariu sira,” dehan Luis de Oliveira Sampaio Diretór Ezekutivu JSMP.

Objetivu prinsipál husi Semináriu ne’e mak atu promove komunikaun direita no nakloke relasiona papel deputadu Parlamentu Nasionál iha termu halo lei, fiskalizasaun no foti desizaun polítika. Aleinde ne’e atu promove mós partisipasaun públika nian iha prosesu oinsá atu formula lei no polítika iha Parlamentu Nasionál atu halo lei no polítika sira ne’e efetivu no efisiente ba nesesidade povu tomak nian.

Semináriu ne’e realiza loron sorin no hetan apoiu finaseiru husi *The Asia Foundation (TAF)* no *USAID*. Partisipante sira sei mai husi Suku balun iha distritu sira hanesan Distritu Ainaro, Lautem, Manufahi no Covalima inklui Dili.

Abertura ba semináriu ne’e dirije direktamente husi Deputadu Adriano do Nascimento, nu’udar Vice Prezidente Parlamentu Nasionál nomós hanesan oradór.

Iha sesaun ne’e Vice Prezidente Parlamentu sei ko’alia kona-ba **‘Papel Parlamentu Nasionál,’** Deputadu Francisco Branco, nu’udar Representante Bankada Opozisaun sei koalia kona-ba **‘Papel Opozisaun ba Kna’ar Parlamentu Nasionál,’** no Deputadu Natalino dos Santos, nu’udar Xefe Bankada CNRT nomós Representante Bloku Koligasaun Parlamentar sei koalia kona-ba **‘Espetativa Bloku Koligasaun iha Terseira Lejislatura’**.

Semináriu ne’e sei konklui ho sesaun diskusaun ne’ebé sei fó oportunidade ba partisipantes atu hato’o observaun, espetativas no perguntas, ba oradores sira.

Atu hetan informasaun kle'an favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883